



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 3. De Mortis bonæ desiderio frequentando.

urn:nbn:de:hbz:466:1-45396

in quo ultimo à morte inventi sunt, vivi, non finiant in hac, & cum hac vitâ: sed continent, deferantque illum in alteram, eumque inibi perficiant pro æternitate, & per æternitatem.

P R A X I S.

DEUS, sub cuius nutibus Vitæ nostræ præsentis momenta decurrunt: suscipe preces ad te humiliter clamantium; ut hanc quidem mortalem vitam omnem, secundum voluntatis tuæ sanctissimæ beneplacitum, semper in abundantia bonorum operum, auxiliante Gratiâ tuâ decurramus: ejus verò decursum, sancto, pleno, ac tibi placito fine, per Unigenitum tuum, & Matris ejus, Electorumque omnium meritâ, & per misericordiam tuam concludamus.

EXERCITIUM III.

De Mortis bonæ desiderio frequentando.

1. CONSTITUE te in statu moribundi, & tanquam in proximo morituri: & simul in affectu illius, qui gemit, *Heu mihi, quia incolatus meus prolongatus est: multum incola fuit anima mea: & illius qui anhelabat: Cupio dissolvi, & esse cum Christo.* Ps. 119. 5. Phil. 1. 13.

2. Mortem bonam desiderant omnes, etiam ille, eique similes, qui dicebat: *Moriatur anima mea morte justorum, & fiant novissima mea horum similia;* sed hoc desiderium passim est in hominibus sterile, & inefficax: quia ad consecutionem desideratæ mortis bonæ, media apta non adhibent. Non enim diligunt, neque exercent vitam bonam: quæ tamen est unicum, & omnino necessarium huic fini assequendo medium.

3. Sunt verò alii, qui ita Mortem bonam exoptant,

optant; ut simul vitam bonam strenuè confectione
 tur: & ea quæ sunt morti bonæ consequenda: id
 nea, avidè, & providè conquirant: idem tamen
 mortem ipsam, & nomen, mentionemque, desideret, f
 memoriam mortis abhorrent, contristantur, & stantero
 etiam indignantur, illato de morte vel uno verbo
 Hi sunt similes illis, qui navigant mare, & hinc
 pericula ejus patientur panè quotidiana: portu
 tamen, & extensum refugiant. derit ex
 quentia

4. His talibus prætermisissis, in persuasissis, atque
 certis habendum est: Esse quandam, nec medio
 crem perfectionem, cupere mori: fuitque hic
 factus Sanctis ferè omnibus usitatus: & est
 gnum impensè Deum amantis Animæ, Velle mo
 ri: cupere dissolvi, desiderare liberationem è ca
 cere, seu corpore mortis hujus: sicut è contrari
 dolet Animam affixam corpori, aut mundo; aut
 saltem ipsi præfenti Vitæ: nec satis pericula ejus
 sentientem quotidiana, plus æquo horrere mor
 tem: vitamque hanc amare: neque cupere aut
 evolare in libertatem filiorum Dei, educi de custo
 diâ hac multis compedibus Animam vinciente,
 quin & multis sordibus inquinante, aut ad fruitio
 nem Sanctissimæ Trinitatis quàm primum, finali
 ter & beatificè pervenire.

5. Sit etiam persuasum atque certum: cupe
 re dissolvi, & esse cum Christo: esse unum ex sin
 gularibus mediis, præparationibusque ad mortem
 redolereque optabilem salutis æternæ securitatem
 quam Deus indulget iis, qui ei fideliter, & naviter
 fervire, eique placere, ac secundùm Cor ejus Di
 vinum esse semper studuerunt. Ejusmodi est illa
 indulgentissima invitatio Divina ad Animam;

Cant. 4. 80. Surge, propera Amica mea: columba mea, formosa
mea,

mea, & veni: & iterum; Surge amica mea, speciosa mea, & veni: & rursus; Veni de Libano sponse mea, veni de Libano, veni. Quidni ergo desideret, festinet, anhelet Anima: ad ita blandè, instanterque invitantem, & evocantem Deum?

6. Affuescendum ergo est talibus desideriis, & impensè quidem: quam ad assuetudinem, proderit expendere, atque usurpare familiariter frequentia motiva desideriorum talium.

1. Opto mori: quia mortalis sum naturam meam: & Dei creatoris mei sic factus sum Voluntate, fiat ergo Voluntas ejus.

2. Opto mori in testimonium, & protestationem, tum supremæ potestatis, dominiique in me Divini: tum totalis meæ, rerumque etiam omnium, & singularum, à Deo dependentiæ: tum fragilitatis, vilitatis, corruptibilitatisque meæ, pulvis enim sum, & in pulverem reverti me necessum est. Sicuti ergo vitam vivendo, professus sum Deum authorem dominumque Vitæ: sic mortem obeundo, confitebor Deum esse arbitrum definitoremque mortis meæ.

3. Opto mori: ut primi originalis peccati poenam, etiam mihi ab justo Deo meritò inflictam, exolvam morte, tandemque illud finaliter expiem: deletum quidem illud est in Sacro Baptismate: poena tamen mortis luenda remansit.

4. Opto mori: ut ex statu peccabilitatis, funditus emergam: transeamque in eum statum in quo peccare amplius non possim, neque per malitiam, neque per infirmitatem, neque per subreptionem. Et sim extrà periculum omne, violandi, vel in minimo, Dignitatem, Majestatem, San-

Handwritten notes on the right edge of the page, including the Roman numeral II and other faint markings.

Sanctitatem, Bonitatem, Charitatem, Voluntatemque Dei mei, excidendique à Gratiâ ejus sed sim securus de Amore, & Amicitia ejus in æternum. Nihil enim amantes Deum Animas gravat justius, aut amplius, in hoc mortali corpore, quàm quod, dum in eo degunt, Deum omni momento offendere possint: & interdum saltem ex obreptione offendant: ab ejus Amore vel excidant, vel tepescant, vel cessent, ob quod incommodum, periculumque perpetuum, merito fastiditur hæc vita, & anhelatur ad aliam. Non impatientiâ molestiarum, & ærumnarum, sed metu impotentis ad peccatum potentia, & desiderio perfectissimè, continuèque amantem Deum, in statu alterius vitæ: & illi tanquam summo, & ultimo bono æternaliter inhærendi.

5. Opto mori: ut meâ morte, mortem JESU Christi, Domini mei, quâ me ille ab æternâ morte redemit, honorem, imiter, eique mortuus, & ipse mortuus assimiler. Sicut enim maxima Domini nostri dignatio in eo fuit, quia sese usque ad mortui statum demisit: ita maximè à nobis mors ejus honoranda est. Magis autem honorari non potest, quàm mortem vicissim pro illius mortisque illius honore, ac imitatione subeundo.

6. Opto mori: ut sequar exemplum Preciosissimæ Dei Matris MARIÆ, Dominæ meæ: quæ carens alioqui moriendi debito, mori tamen voluit & ipsa: ut suâ mortem mortem Filii sui honoraret; quare sicut illâ suâ morte mortem Filii sui honoravit, sic & à nobis decet mortem ipsius honorari morte nostrâ.

7. Opto mori: & anhelosissimo quidem

desiderio opto: ut per mortem meam, five in articulo ejus, omnes Dei mei Voluntates, omnia JESU Christi desideria, atque intenta, circa me, impleantur absolutissimè: & ultimate in me, & morte tanquam sigillo consignentur.

8. Opto mori: ut quàm primum, definitus mihi à Deo, propter JESU Christi Merita, gratiarum, & donorum gradus, in me ex iisdem Christi Rẽdemptoris mei meritis adimpleatur, consummeturque. Maximè, cùm fiat sæpè, ut Deus, in ipso transitu, & articulo mortis, impleat in Sanctorum suorum Animabus, ea omnia, quæ brevi vitæ usu, mortisque adproperatione, præfinitæ illorum consummationi defuerunt: sicque in illo brevi puncto, expleantur in eis, & ab eis, tempora multa.

9. Opto mori: ut ultimi & summi finis, bonique affecutio suprema, ac ultimata, quam à Creaturâ suâ, & habere potest, & intendit Deus etiam in me, & à me, initium executionemque habere tandem incipiat. Et hæc non est alia, nisi beatifica Dei exaltatio, glorificatio, possessio, fruitio.

10. Opto mori: ut per mortem meam, augeam, & exequar mercedem Christo à Patre ex Justitiâ debitam: quæ finaliter consistit in Glorificatione Patris, per beatificationem æternam à se Rẽdemptorum.

11. Opto mori: ut practicè, ac reipsâ subiciam me juri, quod Dominus meus JESUS, ex naturâ, & ex merito habet, in omnes vivos mortuosque, in omnes ad judicium ejus morte devenientes.

12. Opto mori: ut etiam subdam me juri
Pre-

Handwritten notes on the right edge of the page, including the Roman numeral II and other faint markings.

Pretiosissimæ Dei Matris: quod illa habet sibi
 Filio concessum, in ultimum Agonem, in Mor-
 tis instans, omnium quidem, at specialiter in suo-
 rum amatorum & clientum.

13. Opto mori: ut primo quoque tempore
 salvo tamen per omnia gustu Voluntatis De-
 per actum, & medium mortis, voluntariè de-
 liberatè à me acceptatum, (esto aliàs naturâ mi-
 hi debitum) ultimatè, & completè, Deo mi-
 subjiciam, Deo obediam, ad Deum perveniam
 Deum adorem, Deum assequar, videam, con-
 fitear, possideam, teneam, fruar: ut item mo-
 riens, completè id quod Deo placuerit merear
 merendique spatium moriendo concludam
 Morte enim obitâ, jam non licebit crescere, aut
 proficere.

14. Opto mori: ex desiderio, quàm primùm
 accedendi ad Sanctos, eosque videndi: tum
 Pretiosissimam Dei Matrem: Verbi quoque In-
 carnati Sacratissimam Humanitatem: præ omni-
 bus autem Uni Trinam Beatissimi Dei Essentia-
 am; ut mediante morte meâ, tandem tandem
 Deo æternaliter, ac beatificè jungar, in glo-
 riâ consummatâ: ejusque Sanctorum Societate
 potiar in æternum.

P R A X I S.

Vel fiat ex positis optationibus
 vel ex Psalmo Davidis 141. ad hoc pro-
 positum valde apto.

Voce meâ ad Dominum clamavi: Voco meâ
 Dominum deprecatus sum.

2. Effu-
 V. P.

2. Effundo in conspectu ejus Orationem meam, & tribulationem meam ante ipsum pronuntio.
3. In desciendo ex me spiritum meum: & tu cognovisti semitas meas.
4. Considerabam ad dexteram & videbam: & non erat qui cognosceret me.
5. Periit fuga à me: & non est qui requirat Animam meam.
6. Clamavi ad te Domine, dixi: Tu es spes mea, portio mea in terrâ viventium.
7. Intende ad deprecationem meam: quia humiliatus sum nimis. Libera me à persecutibus meis: qui confortati sunt super me.
8. Educ de custodia animam meam ad confitendum nomini tuo: me expectant justi donec retribuas mihi.

EXERCITIUM IV.

De Morte malorum, justorum, perfectorum.

1. Constitue te vel in conspectu, vel in statu moribundi: cui dictum sit à DEO; *Di-* *Isaie 38.2.*
sponde domui tue: quia morieris tu, & non vives.

2. Hæc denuntiatio quibus fiat, solent esse, vel mali ac impii, vel justi ac boni: vel Sancti ac perfecti: quorum in classe an tu sis? futurus sis? aut esse velis? jam vide.

3. De morte malorum graphicè dictum est à Spiritu Sancto. *Mors peccatorum pessima. Et; O Eccl. 48.1.*

Mors; quàm amara est memoria tua homini. Pessima & amarissima est mors impii, tam ante mortem, quàm in morte, quàm post mortem.

1. Ante mortem: ob corporis ægri dolores, impatientias, querimonias, etiam de Deo ipso: quasi